



Na osnovu člana 16. stav (1) tačka k) i l), stav (2) tačka u) i stav (3) tačka u) Odluke o izvršavanju Budžeta Općine Novo Sarajevo za 2025. godinu („Službene novine Kantona Sarajevo“ broj: 6/25) i člana 7. Pravilnika o uslovima, kriterijima i načinu dodjele sredstava za finansiranje/sufinansiranje projekata, manifestacija i programa udruženja, ustanova i pojedinaca („Službene novine Kantona Sarajevo“ broj: 9/25), Općinska načelnica raspisuje:

JAVNI POZIV
za dodjelu sredstava za finansiranje/sufinansiranje projekata, manifestacija i programa udruženja, ustanova i pojedinaca

I PREDMET

Predmet Javnog poziva je dodjela sredstava za finansiranje ili sufinansiranje projekata, manifestacija i programa koje provode udruženja, ustanove i pojedinci u oblasti kulture, sporta, obrazovanja i drugih društvenih oblasti, a koji su od značaja za građanke i građane sa područja općine Novo Sarajevo.

II PRAVO UČEŠĆA

Pravo učešća u ovom Javnom pozivu imaju udruženja, ustanove i pojedinci koji su registrovani, odnosno imaju prebivalište na području Kantona Sarajevo i svoje programske aktivnosti ostvaruju na području općine Novo Sarajevo, Kantona Sarajevo ili Bosne i Hercegovine.

III VRSTE TROŠKOVA KOJI SE FINANSIRAJU

Po ovom Javnom pozivu vrši se finansiranje/sufinansiranje:

- a) troškova organizacije obrazovnih, kulturnih, sportskih, edukativnih, zabavnih, vjerskih i drugih svečanosti/manifestacija na području općine i Kantona Sarajevo i učešća na istim u Bosni i Hercegovini i inostranstvu,
- b) troškova nabavke potrebnog materijala za održavanje manifestacija iz tačke a),
- c) troškova sportskih klubova:
 - troškova članarine i kotizacije za takmičenje,
 - troškova za angažman službenih lica na utakmicama i drugim sportskim takmičenjima,
 - troškova prevoza, smještaja i ishrane na gostujućim utakmicama i drugim sportskim takmičenjima,
 - troškova zakupa stadiona, fiskulturnih sala i sportskih dvorana za treninge i utakmice,
- d) troškova prevoza, smještaja i ishrane učesnika obrazovnih, kulturnih, sportskih, edukativnih, zabavnih, vjerskih i drugih svečanosti/manifestacija,
- e) troškova nabavke narodnih nošnji i kostima za pozorišne predstave,
- f) troškova za humanitarne aktivnosti korisnika sredstava i dodjelu pomoći za osobe u stanju socijalne potrebe,
- g) troškova organizacije takmičenja učenika osnovnih i srednjih škola,
- h) troškova naučno-istraživačkih projekata,
- i) troškova štampanja i izdavanja enciklopedija, rječnika, knjiga, monografija, publikacija i slično,
- j) ostalih aktivnosti i projekata iz oblasti kulture, sporta i obrazovanja koje Komisija za odabir korisnika sredstava ocijeni značajnim za stanovnike općine Novo Sarajevo.

IV KRITERIJI ZA DODJELU SREDSTAVA:

Opći kriteriji za dodjelu sredstava:

- a) da je udruženje ili ustanova registrovano na području Kantona Sarajevo, odnosno da pojedinac ima prebivalište na području Kantona Sarajevo i da svoje programske aktivnosti ostvaruju na području općine Novo Sarajevo, Kantona Sarajevo ili Bosne i Hercegovine,
- b) da je podneseni prijedlog programa/projekta/manifestacije u skladu sa svrhom iz člana 4. Pravilnika o uslovima, kriterijima i načinu dodjele sredstava za finansiranje/sufinansiranje projekata, manifestacija i programa udruženja, ustanova i pojedinaca, odnosno da se podnesenim projektnim prijedlogom traži finansiranje/sufinansiranje troškova navedenih u odjeljku III ovog Javnog poziva i da projektni prijedlog sadrži detaljnu specifikaciju troškova programa/projekta/manifestacije, sa informacijama o ukupnom iznosu finansijskih sredstava i iznosu sredstava koji se traži od Općine,
- c) da udruženje/ustanova/pojedinac uredno ispunjava obaveze iz svih prethodno sklopljenih ugovora o finansiranju iz Budžeta Općine,
- d) da udruženje ili ustanova uredno ispunjava obaveze plaćanja poreza i doprinosa (odnosi se samo na prijave udruženja i ustanova).

Posebni kriteriji za dodjelu sredstava:

- a) da projekat/programska aktivnost i manifestacija udruženja/ustanove/pojedinca obuhvata i građane sa područja općine Novo Sarajevo,
- b) kvalitet i značaj prijave za područje općine Novo Sarajevo, Kanton Sarajevo, Federaciju Bosne i Hercegovine i državu Bosnu i Hercegovinu,
- c) pravo na dodjelu sredstava udruženje/ustanova/pojedinac može ostvariti samo jednom u toku budžetske godine za isti projekat/program/manifestaciju.

V MAKSIMALNA VISINA SREDSTVA

1. **Za projekte, programe i manifestacije udruženja i ustanova** maksimalan iznos sredstava koji se može dodijeliti je **3.000,00 KM**. Izuzetno, može se dodijeliti do **10.000,00 KM** ukoliko Komisija za odabir korisnika sredstava ocijeni da je projekat/program/manifestacija od naročitog značaja ili interesa za područje i stanovnike općine Novo Sarajevo, Kantona Sarajevo, Federacije Bosne i Hercegovine i države Bosne i Hercegovine.
2. **Za projekte, programe i manifestacije pojedinaca** maksimalan iznos sredstava koji se može dodijeliti je **1.000,00 KM**. Izuzetno, može se dodijeliti do **3.000,00 KM** ukoliko Komisija za odabir korisnika sredstava ocijeni da je projekat/program/manifestacija od naročitog značaja ili interesa za područje i stanovnike općine Novo Sarajevo, Kantona Sarajevo, Federacije Bosne i Hercegovine i države Bosne i Hercegovine.

VI POTREBNA DOKUMENTACIJA

1. Za udruženja i ustanove:

- a) prijava na Javni poziv koja se podnosi na Prijavnom obrascu NS-OB-328, ovjerenom i potpisanom od strane ovlaštenog lica;
- b) projektni prijedlog ovjeren i potpisani od strane ovlaštenog lica u skladu sa članom 4. Pravilnika o uslovima, kriterijima i načinu dodjele sredstava za finansiranje/sufinansiranje projekata, manifestacija i programa udruženja, ustanova i pojedinaca, odnosno u skladu sa troškovima navedenim u odjeljku III ovog Javnog poziva, sa tačnom specifikacijom troškova programa/projekta/manifestacije čije se finansiranje/sufinansiranje troškova traži;

- c) aktuelni izvod iz registra nadležnog organa u kojem je registriran podnosilac prijave, ne stariji od 6 mjeseci;
- d) uvjerenje o poreznoj registraciji koje sadrži ID broj;
- e) uvjerenje Porezne uprave o izmirenim poreskim obavezama ili sporazum o odgođenom plaćanju ili plaćanju u ratama dužnih javnih prihoda (ne starije od 3 mjeseca od dana objave Javnog poziva);
- f) potvrda poslovne banke da račun nije blokiran iz kojeg se vidi broj transakcijskog računa (ne starija od 3 mjeseca od dana objave Javnog poziva);
- g) saglasnost odgovornog lica ustanove u kojoj se realizuje projekat/program/manifestacija (tamo gdje je primjenjivo).

2. Za pojedince:

- a) prijava na Javni poziv koja se podnosi na svojeručno potpisanom Prijavnom obrascu NS-OB-380, od strane ovlaštenog lica;
- b) projektni prijedlog potpisan od strane podnosioca prijave u skladu sa članom 4. Pravilnika o uslovima, kriterijima i načinu dodjele sredstava za finansiranje/sufinansiranje projekata, manifestacija i programa udruženja, ustanova i pojedinaca, odnosno u skladu sa troškovima navedenim u odjeljku III ovog Javnog poziva, sa tačnom specifikacijom troškova programa/projekta/manifestacije čije se finansiranje/sufinansiranje troškova traži;
- c) potvrda o prebivalištu na području Kantona Sarajevo;
- d) potvrda poslovne banke da račun nije blokiran, s brojem transakcijskog računa (ne starija od 3 mjeseca od dana objave Javnog poziva);
- e) saglasnost odgovornog lica ustanove u kojoj se realizuje projekat/program/manifestacija (tamo gdje je primjenjivo).

Ukoliko se traži sufinansiranje projekta ili manifestacije maloljetnog pojedinca, prijavu na Javni poziv podnosi njegov roditelj/staratelj.

Dokumentacija se podnosi u originalu ili ovjerenoj kopiji ne starijoj od 6 mjeseci.

VII ROK PRIJAVLJIVANJA

Rok za predaju prijave na Javni poziv počinje teći dana od dana objavljivanja Javnog poziva na službenoj web stranici Općine Novo Sarajevo. Javni poziv ostaje otvoren do utroška sredstava, a najkasnije do **15.12.2025. godine.**

VIII NAČIN PRIJAVE NA JAVNI POZIV

Prijava na Javni poziv dostavlja se na Prijavnom obrascu NS-OB-328 i NS-OB-380 sa kompletnom zahtijevanom dokumentacijom u zatvorenoj koverti, putem protokola Općine Novo Sarajevo tokom radnih dana (ponedjeljak-petak) ili preporučeno putem pošte, na adresu:

**Općina Novo Sarajevo
Zmaja od Bosne broj 55
71000 Sarajevo
Bosna i Hercegovina**

sa naznakom:

**„za Komisiju za odabir korisnika - JAVNI POZIV
za dodjelu sredstava za finansiranje/sufinansiranje projekata, manifestacija i programa
udruženja, ustanova i pojedinaca – NE OTVARATI“**

Općina Novo Sarajevo, ulica Zmaja od Bosne br. 55, centrala telefon (387 33) 492 100

Služba za obrazovanje, kulturu i sport

tel: (387 33) 492 188, fax: (387 33) 492 341, email: obrazovanje@novosarajevo.ba

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.



Na koverti mora biti naznačeno: puni naziv udruženja/ustanove/puno ime i prezime pojedinca i adresa udruženja/ustanove/pojedinca kao podnosioca dokumentacije.

Prijavni obrasci NS-OB-328 i NS-OB-380 se nalaze na web stranici i u šalter sali Općine Novo Sarajevo.

IX NAČIN ODABIRA KORISNIKA

Odabir korisnika sredstava vrši Komisija za odabir korisnika koju imenuje Općinska načelnica (u daljem tekstu Komisija). Komisija se sastoji od tri člana i jednog zamjenskog člana, koji su uposlenici Općine Novo Sarajevo.

Prijave kandidata koje ne ispunjavaju sve formalne uslove iz Javnog poziva ili koje se ne odnose na aktivnosti koje će biti finansirane neće biti uzete u razmatranje.

Komisija zadržava pravo da ne dodijeli sva raspoloživa finansijska sredstva u slučaju da projektni prijedlozi ne zadovoljavaju zadate kriterije.

X OBAVJEŠTAVANJE PRIJAVLJENIH KANDIDATA

Komisija obavještava kandidate o razlozima nerazmatranje njihove prijave. Na ovu obavijest Komisije moguće je uložiti prigovor Općinskoj načelnici u roku od 5 (pet) dana od dana prijema obavijesti.

Prijedlog za finansiranje koji je utvrdila Komisija, Komisija dostavlja korisniku sredstava, uz mogućnost ulaganja prigovora Općinskoj načelnici, u roku od 5 (pet) dana, od dana zaprimanja obavijesti. Po konačnosti prijedloga za finansiranje Općinska načelnica donosi zaključak o odobravanju isplate sredstava.

Sa korisnicima sredstava kojima su dodijeljena sredstva sklopit će se Ugovor o namjenskom utrošku sredstava i isti su dužni najkasnije do 15.01. naredne godine, dostaviti narativni i finansijski izvještaj o utrošku dodijeljenih sredstava, sa pratećom finansijskom dokumentacijom. **Prihvataju se samo oni troškovi projekta/programa i manifestacije koji su nastali nakon potpisivanja Ugovora.**

XI OSTALA PITANJA

Sve dodatne informacije vezane za Javni poziv mogu se dobiti svakim radnim danom, putem telefona: 033 492 386 i 033 492 189 ili e-mail adrese obrazovanje@novosarajevo.ba.

Dostavljena dokumentacija neće se vraćati podnosiocima prijave po ovom Javnom pozivu.

Broj: 16-11-3-2568/25
Sarajevo, 18.03.2025. godine

